



SAOPĆENJE ZA JAVNOST

Nova presuda uhapšenima u akciji *PARTI* Četverici optuženih dvije godine i pet mjeseci zatvora

Brčko, 30.5.2023. godine

Nastavljajući procesuiranje teških krivičnih djela u vezi sa zloupotrebama opojnih droga, Tužilaštvo Brčko distrikta BiH okončalo je postupak protiv Gorana Blagojevića, Elvira Mandžukića, Darija Raševića i Milorada Karaća, uhapšenih 2018. godine u operativnoj akciji *Parti*. Nakon što je pred Osnovnim sudom Distrikta dokazalo optužbe za neovlaštenu proizvodnju i stavljanje u promet opojnih droga, njih četverica nepravosnažno su osuđeni na dvije godine i pet mjeseci zatvora.

Blagojević, Mandžukić, Rašević i Karać procesuirani su jer su od jula do novembra 2018. godine, kada su uhapšeni, na prostoru distrikta Brčko i Maglaja u Federaciji BiH, vršili nezakonitu nabavku i distribuciju opojnih droga marihuane, amfetamina i kokaina. Uz još sedam optuženih, njima je stavljeno na teret da su u međusobnoj saradnji i pojedinačno nabavljali navedene opojne droge i u različitim količinama, lično ili posredstvom trećih lica, prodavali ih većem broju njima poznatih kupaca. Nakon što su 2018. godine otkriveni i uhapšeni u okviru policijske akcije kodnog naziva *PARTI*, Tužilaštvo je brzo okončalo istragu, koja je početkom 2019. godine rezultirala podizanjem optužnice protiv jedanaest osoba. Tada su, pored Blagojevića, Mandžukića, Raševića i Karaća, za ovo krivično djelo optuženi: Milenko Mihajlović, Adnan Bešić, Rusmir Klebić, Savo Perić, Perica Milošević, Predrag Radosavljević i Mitar Cvijetinović.

Podizanjem optužnice oni su izvedeni pred Osnovni sud pod optužbama da su počinili krivično djelo neovlaštene proizvodnje i stavljanja u promet opojnih droga (*iz člana 232 stav (1) Krivičnog zakona Brčko distrikta BiH*). U dosadašnjem toku suđenja, Tužilaštvo je skoro u cijelosti dokazalo optužbe protiv sedmerice optuženih. Nedavnom presudom, koja se može pobijati žalbom, Blagojeviću i Karaću izrečene su kazne zatvora od po deset mjeseci, dok je Mandžukiću izrečeno šest, a Raševiću tri mjeseca zatvora. Usto, oni su oslobođeni od optužbi za pojedine tačke optužnice, dok je Perica Milošević oslobođen od optužbi u cijelosti. Ranije su, takođe na zatvorske kazne, pravosnažno osuđeni: Rusmir Klebić (šest mjeseci), Savo Perić (četiri mjeseca) i Predrag Radosavljević (šest mjeseci - uslovno na tri godine). Od ostalih uhapšenih u akciji *PARTI*, suđenje je u toku prema Adnanu Bešiću, dok je za Milenom Mihajlovićem i Mitrom Cvijetinovićem zbog nedostupnosti brčanskom pravosuđu raspisana potjernica.

GLAVNI TUŽILAC

ZEKERIJA MUJKANović